

湖州府志卷第二十一

涇川胡承謀原輯

沔陽李堂增刊

人物四

明

胡友信字成之號思泉德清人隆慶戊辰進士知順德縣清絕一塵誓不帶一牙簪出梅嶺題其署曰順動而天地和斷行而鬼神避縣歲賦率奸胥攬輸稍以所入啗長吏謂之月錢友信與民約歲爲三限多寡皆自輸不取贏于是閭里無妄費而公賦以充海寇竊發部內烏洲大洲賊所巢穴友信悉鉤得之以勁卒搗其巢誅其魁餘黨解散又鄉立四應社一鄉有警三鄉相

湖州府志

卷二十一

人物 明

鼓援之不援者罪同賊賊不敢發初友信慮民輕法頗尚嚴厲既令行禁止更爲寬大或旬日不管一人其治縣如家弊清墜舉學校城池咸爲更新督課邑子弟教化興起卒官士民立祠祀之友信事繼母以孝聞爲弟雪仇千金不恤讀書天一山中研究理宗爲文必嘔心洞膽有明制義稱大家者八人友信其一也祀鄉賢

吳秀字越賢號平山烏程人隆慶辛未進士歷刑曹出守九江倡馬鬣開築廻龍堤補揚州守排衆喙築五塘淮黃議起親詣鹽城石硤口講求疏水刷沙法爭之疆大吏謂太守無狀免歸自號匡廬道人祀鄉賢

韓紹字景先號約齋烏程人隆慶辛未進士令寧德清理陷海虛

糧三千石裁驛站銀七百兩民德之調長樂有大盜久不獲計擒之拜給事中以忤江陵出爲廣東參議轉廣西副使備兵府江府江爲百粵通衢地多菁棘猺獠伏烟瘴蒸路絕行旅紹移檄募商伐山開徑五十餘里遂成孔道至今稱韓公江韓公路歲省水陸護兵餉二萬七千有奇再遷湖廣參政蘄州城東江心有怪石巖我洪濤奔駛舟行觸之卽碎紹因石築臺遙望巋然舟行得以遠避楚人稱爲冰心臺衛兵掠販婦女紹嚴治之按籍給還賁行太僕寺卿致仕卒所至皆祀名宦

丁應詔字國賓號靖吾長興人從黃晴川遊精研理學隆慶辛未進士知南陵縣聞父病終夜繞衙齋走雞鳴詣中丞泣請棄官歸中丞憐之假以便差抵家得視舍歛起補寶坻歷大理寺正

與鄧定宇顧涇陽講學出爲江西僉事贛有盜歲饑桴鼓騷然捕寘于法已又悔之稍涉疑悉從末減削爰書嘔血而卒應詔居官清而不刻仁而不能在寶坻與臺使者爭一應蠲之賦詞色並厲使者大恚竟不能奪子

字長孺號慎所少負奇質慕汲長孺之爲人因以爲字萬歷丙戌進士時顧涇陽講學東林心嚮往之北面受業慨然以天下事爲已任請告省父任所父卒居喪盡禮八年始謁選爲中書舍人上封事萬言極陳時弊可寒心者三可浩歎者七坐視而不可救藥者二時光宗儲位未定有三王並封之議

封事中多責備王相國錫爵王其座師也已亥京察以浮濫落職復起歷禮部主事會黨局斷斷元薦屢疏折辨皆反覆君子

小人消長治亂之際並留中乃謝病歸時朝事日非詆東林曰門戶人以講學爲諱家居不勝忿馳疏闕下爭國是語多激壯亦不報京察又以不謹削籍刻程朱道命錄以見志天啟初沈相國淮趨朝邀會江都笑曰豈有白首郎官職小躬于相公舟側者乎甲子起刑部簡校晉尚寶司丞陞少卿逆奄用事削籍歸卒通籍四十年立朝不及一載嘗言大丈夫寧爲璧碎毋爲瓦全好談古今節烈事至擊節掀髯聽者忘倦尤加意里黨謝絕一切遊請有投以暮夜金者却之必峻或廉其枉卽密解之不令人知也舊誌言其身任江湖而一飯未嘗忘君父道雖偃蹇而風采已足立柔頑可謂礪礪有正骨之君子蓋篤論也

湖州府志

卷二十一

人物明

三

姚舜牧字虞佐烏程人父讓號淳菴以德行聞于鄉里舜牧克承父志又慕唐一菴許敬菴之學自號承菴萬歷癸酉舉于鄉知新興縣調廣昌愛民如子造士如師歲大稔力爲當事籌救荒之策賑濟不遺餘力長子祚端成進士遂棄官歸皓首窮經屏去訓詁所撰四書五經疑問三易稿而後成嘗與鄒南阜書自言所著書于傳或少悖于經不無少補所著家訓真切過于顏氏直指爲建羽翼六經坊于郡城受祿養二十餘年德望彌尊年八十有五一日徧別親故端坐而逝祀鄉賢

姚翼字翔卿歸安人以孝聞從一菴荆川兩唐先生遊許爲入室弟子年四十九以貢授新淦訓導徙黃州府教授遷廣濟知縣聞布衣吳自守能服行古禮輿車造廬風勵百姓庭無留獄已

告歸傍南城構屋數楹貯圖書數十卷時脫故袍帶貴酒屢空
晏如也家居冠婚燕嘗並遵古禮晚尤好易題其讀書處曰玩
畫齋學者稱海屋先生

顧震字子靜號養默歸安人從唐一菴講學萬歷初以貢知富川
縣撫叛猺革市稅興文造士五年如一日以父老乞歸震初謁
選時不忍離父膝下父曰得官分俸養親兼可贍族黨不愈于
株守故間耶乃遵父命既自富川歸則出其俸餘給三黨姻友
一生以忠信爲本而持之含忍濟以寬和以子爾行貴封監察
御史

顧爾行字孟先號微菴萬歷甲戌進士爲大名府推官佐臺使者
議免役損益適中奏上江陵相稱善布爲令擢監察御史巡視

湖州府志

卷十二

人物明

四

倉場江南白糧賠累疏裁冗蠹歲省民十萬有奇又上民運五
事條利弊十二款江陵心善之語所司曰顧御史兩疏言言切
實可施用也亟下之復布爲令忌者羣自攝之江陵敗門下士
無不逃避獨爾行從行部歸弔哭之出知南康府以京察免官
顧簡字嘿孫爾行次子萬歷戊午舉南闈天啟時逆璫用事不上
公車者十年戊辰璫誅就試南宮本房已首薦以策語過激置
乙榜例得教職不就歸又十年不出戊寅詔求賢良有司薦之
高臥不起庚辰辛巳歲大祲設法賑濟多所全活復行朱子社
倉法歲儉悉蠲之一境咸賴又嘗傾家脫友人于難立膳族田
撫恤孤幼家宰徐石麒嘆曰使其得宰天下當亦如是矣有蓮
園詩集十卷藝林贈炙焉

王豫字介夫號槐庭烏程人萬歷丁丑進士爲工部主事權刑關
出爲福建僉事治巫蠱以除民害犯縉紳忌坐免歸講學四方
應桐川聘方演艮卦卽于講堂坐逝祀鄉賢子道元號洪崖萬
歷丁未進士歷官工部郎中出爲山東參政歷江西廣東左右
布政勦九連山寇又平海寇劉香贈父如其官

張斗字景北號文峰烏程人萬歷丁丑進士初授刑部主事有豪
犯大辟託娶人從大司寇居間斗竟置之法升郎中知荊州府
江陵獄起株連者衆斗以江陵輔少主十年明毅持法天下肅
然朝廷之政出于一獨嫉吳太過耳其刻廉務名職入不當分
宜十二而株繫累累心竊憐之爲設權宜規措多方陞福建副
使調補雲南平養寨苗王華之變賜白金晉右叅政乞歸卒于

湖州府志

卷二十一

人物

五

道

董嗣成字伯念號青芝份孫弱冠舉萬歷庚辰進士授禮部主事
歷員外郎中抗疏諫上不視朝并請早建皇儲留中未下科臣
台疏繼之帝怒貶秩調外嗣成復疏申前意帝怒甚奪職歸卒
泰昌詔復原官贈光祿寺少卿詩有青棠集光祿遺編精六書

草聖尤工

按湯陽宗伯致政家居用連所贈僅數百人廟成讀史至馬融以市義策蓋
嘗嘆曰安得有彈鋏生白我王父乎因乘間請曰竊聞富而好行其德大人所
設義舍意在惠此一方耳蓋推廣盛事所置田園廬舍割其十二以予民不則量道而予之金
庶幾積而能散得陽善之卽命處分里中刁民所欲不滿反肆鼓噪適巡按彭應參至湖控告
紛紛嗣成憤甚頃之湯陽
亡嗣成哀毀悵悵亦卒

章嘉楨字元禮號衡陽德清人萬歷庚辰進士授蒲圻令丁艱補
當塗令邑有官圩感義圩居當塗田之半頗姑溪時霖雨久水
大至堤且潰乃捐貲勵衆築治堤立成遠近流亡藉堤工以活

者無算邑故無童桑烏麥因廣其種教婦女育蠶水退烏麥阜
熟民濟艱食又立義倉社學以教之適民治地得金穴持金趨
報且曰金鑄嘉楨天賜令也取金熟視還之曰是嘉祐字宋物
也令籍入府海中丞瑞薦治行第一升車駕司員外尋遷吏部
稽勲司郎中以廷推故相王家屏觸忌謫貳羅定州建南征書
院去位後羅人遂祠之里居十六載與顧憲成鄒元標講學與
李維楨汪道昆唱和詩文撫孤姪日昝逾己子已詔起南刑曹
除尚寶司丞擢通政司右叅議嚴正不稍貶忤權璫黜歸天啟
初求舊起光祿寺丞擢大理左丞抗志懸車未幾卒

錢士完字惟凝號繼修歸安人鎮子萬歷庚辰進士爲德安府推
官陞南兵部主事調吏部轉光祿寺丞歷陞南太僕卿入覲上

湖州府志

卷二十一

人物 明

六

疏畧云臣水陸間關采察利病災沴幾遍于廣輪權稅更增其
騷擾因念聖明何所不鑒乃豐亨獨享于官闈羸瘠偏受之閭
里非及陞見一爲披瀝而又何待然偏枯之病不獨海內有之
東朝有八年不讀之儲教福王有累歲未就之新邸瑞王年二
十三而稱久曠惠王年二十桂王年十七而稽求淑皇長孫年
八齡而降師未聞間庶旁觀尚爲隱惻皇上何以置之漠然疏
入不報晉右僉都御史巡撫山東有旨給福藩膳田二萬頃括
畿甸河南不足則取盈于山東而福王必欲成片膏腴士完謂
旣無官田可撥又欲成片勢必攘之民間連疏爭之畧云高皇
帝首重恤農山東荒地永不起科年來領勅開荒地無遺利水
旱頻仍逼而爲盜皇上試平心度之熒熒小民良吏撫之而尚

逃悍瑯虛之而肯就乎東民刀劍爲佩樂禍輕生弱者懷樂土
襁負之恩強者效清源焚劫之習地則遼海相望與倭爲隣千
里河漕輓輸清口臨德貯粟班軍往來用以拱衛神京其宜輯
不宜擾明矣皇上建一藩府跨制三省使其左右布滿通都忽
社稷之長計養谿壑之大奸激而弋甫可料乎東土抵都不
過三日卒然有變鑿鋤相挺展驚八福藩能自安于心否方
今倉儲馬課郵費邊供海水不實漏卮鄧林不計火皇上何
不留此涓滴膏養小民供國家之急而徒以飽噉消人自爲必
窮之計此後諸藩並建紛紛陳乞皇上尚餘幾省此輩蹂踐
哉臣寧負福王不敢負陛下陛下亦安能不自爲計行臣言
疏入亦不報復有旨差官清丈田地爲福王子孫永遠計士完

湖州府志

卷二

人物

七

極言其非制前凡六七疏堅守前議時三年大饑力行荒政
請蠲請賑全活十萬人告歸卒贈副御史士完爲人孝友
端重風裁凜然父嘗師事唐一菴書院會講久特捐金
置產以供書院講之資

凌嗣音字孟昭號爲程人萬歷庚辰進士知南昌縣會有旨
度民田乃分四定賦當事概主一則之議變持之調羅田民
歌十愛歷南刑部郎中出知梧州府中瑞收荒採張瓜牙擒
其尤者置之法晉桂林副使詢安南三賜白金擢叅政守蒼
梧梧屬舊蒞諸所興革皆以歲久廢闕而興一二學尤關商民
利害嗣音連赴省會具議揭上臺值海暑粵人無不感悼
沈子來字汝修號明陽子木仲弟年十六舉于鄉萬歷庚辰與姪

倣淳同登進士知句容廣平二縣並有聲擢刑部主事改工部
權稅判關舊額甚縮悉減之商賈大集課反盈復蠲其盈者曰
足國之外不求餘也陞員外郎中管巡撫河知梧州寶慶二府
陞副使分巡湖南道被誣歸杜門課子一切竿牘俱絕兄子木
以大司馬里居填箴唱和無復出意或曰誣不可不白乃赴部
補貴州三月討平苗亂以勞陞少司馬陞不及私第爲文告祖
父述忘身殉國不違教忠之訓子敏愷

臧懋循字晉叔長興人居顧渚其父繼芳子甫三歲能
誦孝經古詩九歲操觚自誦十一歲成進士教授荊州
擢南國子博士高才逸韵不羈小侯時素名人雋士覽六朝遺
跡命題分賦或至丙夜被劾歸慕山山嶽之勝策杖往遊徇

湖州府志

卷二十一

人物

八

佯雲壑賦詩滿志已而念金陵舊游地也家居焉日以吟嘯自
娛論者謂其絕句似李供奉王龍標五言近體似宋員外七言
近體似岑嘉州唯不喜杜少陵爲文取材于古匠心斐然楷書
法麻姑壇九成宮行草師聖教諸帖而雅耽孫過庭少嗜詞曲
晚節益甚一時羣屐少年麀至爲徵歌選妓六博格五蹴鞠傳
奇之戲無虛日

莫揚字子充安吉人讚子萬歷庚辰進士知江夏縣四載上官有
所需索多不應值行丈田之令揚率里老公正爲文祭城隍以
誓雖深山窮鄉不憚跋涉履畝無人敢高下其手又力主行一
條鞭法邑人德之揚清介如其父而和厚過之兩人覲多稱貸
以行有饋贐百餘金悉以補邑費及歲積穀無一錢留擢刑部

主事益精勤卒于官楚士民在京者爭賻之乃得輿櫬

閔世翔字仲升號鳳寰烏程人如霖孫萬歷庚辰進士知安福縣歲饑躬行賑濟勸富民出粟有法時方丈田恐吏役滋弊擇布衣儒生有學行者董其事老吏束手造蜚語撼之不爲動賦賴以清邑人御史劉臺以糾江陵相創籍江陵授意巡按文致他事詢成繁追駐臺貧不能輸世翔嘆曰殺直臣媚時相可乎力護持之會江陵死得免有謀殺人者穴隣家地瘞之發瘞得屍隣人不得辨將坐辟世翔單騎往驗果得踪尋遷工部郎出守邵武請告卒子洪學號曾泉萬歷戊戌進士由刑曹歷官僉都御史巡撫雲南討羅平沙賊之亂懷遠諸城陞右都御史吏部尙書贈世翔如其官

湖州府志

卷二十一

人物

九

王永寧字世卿號紹濱烏程人萬歷庚辰進士授臨川令行履畝法墾田定賦吏不得貪縱爲奸惡所讎部遷六安知州六安民尚鬼能以幻術障人耳目永寧窮究火書幻遂息歷臨江太守陞廣東副使羅定土人王貴作亂賊之沒齒不言功朱長春字太復號瀛海烏程人萬歷癸未進士知舒城常熟陽信三縣皆有聲召爲刑部主事病歸赴補力爲樞臣石星媚倭危國疏上削籍爲民歸隱城南溪灣閉戶著述復字不入長安萬歷末詔起直言廷推兵部郎中會學神農之術不驗卒天啟改元贈光祿寺少卿

張天德字新吾號蓮濱人永明子萬歷進士知曲周縣以賢能調蕪湖

永明今蕪湖縣子無後其堂曰孝美父子同祀名宦

擢福建道御史疏

定藩封之國疏誅權宦張鯨疏賑江南災稷諸大事皆報可許
李遠以救李三才逢上怒天德面折其下石者半遠獲全巡按
陝西福建並有真御史之稱歷湖廣右叅議備兵湖南時值征
播天德畫五要上募府其得幾軍舉爲征苗監軍聞命亟趨沅
州調將士統率以進募數千擇可解網者分給以散其
黨而誓師勦怙終者殺之東先登露居蓐食七晝夜凡
八戰皮林悉平渠魁逃山谷天德密授方畧次第擒俘拓地
三千餘里未及班師疔疾卒與疾相視山川撤軍覈餉籌善
後事宜卒贈太僕寺少卿

卜汝梁字用甫號養菴歸安人萬曆癸未進士知江陰縣定十限
征糧聽訟不越宿民無不感戴丁艱起補新城陞工部主

湖州府志

卷二十一

人物

明

十

事滿郎俸出知廬州府稅璫言不墜諸山石礦欲開採汝梁以
逼近皇陵奏請停止民罕知禮義恭衍聖訓六章刊司馬溫公
崇雅說與民更始陞淮徐兵備河南副使勦巨寇王九春等白
蓮妖術鄭才等邳沛豐碭間晏然無事投効歸補山西副使分
巡冀南署藩篆時灾魃殫心撫綏人不知荒請歸養母卒

茅國縉字薦卿號二岑歸安人坤仲子少承家學操筆立就詩入
盛唐間與萬歷癸未進士知章邱縣行條鞭法作便民十議三
遣奇荒設法賑濟活饑民無算選廣東道御史舉遺賢定疑獄
豫教青宮諸疏侃侃中讒降浙川縣陞南兵部主事改工部權
稅湖陰弛苛禁剔積弊商旅大悅終父喪工部適報最七疏請
復父職遷郎中視夏鎮河故事漕河半入黃牛入泐其悉自泐

濟者從是年始國縉策之謂勢不得塞滿家口而鑿泃河水淺則易涸口溢則旋碍乃請建三閘以注水廣河面以決壅議甫創而漕至天旱河膠艘竟不前國縉日夜往來廢寢食者三匝月竟以勞卒士民皆爲垂涕其行義于梓里也嘗割腴田五頃差五服親疎以周其急名曰茅氏義田又爲義倉積穀備荒爲義學以教養宗族子弟人多賴之

字孝若號僧曇坤季子工詩與臧晉叔吳翁晉吳允兆抗行號茗中四子入太學名動長安萬曆乙卯北闈登乙榜擬授翰林院孔目協修國史以瑞禍起謝去先是見楊漣擊瑞疏遂發憤上葉福清相國奏記福清不能用其書京師傳誦謂之曲突書一生經世之畧填胸中爲奇策慷慨奮發語多要害崇

湖州府志

卷二十一

人物

士

禎已已詣闕上治民已足餉一議踰三萬言不用歸卒

字止生號石民而字國晉少爲孤童雄傑異常見萬

歷戊申湖大饑太守葉夢學集議賑荒羣公囁嚅莫敢應

年十三從末座大言願輸困粟萬石太守嘆曰魯子敬不是過也稍長好談兵通知古今用兵方畧及九邊阨塞口陳手畫歷歷如指掌募古人受家紆難慨然欲以有爲天啟辛酉以選才薦劄授副將母喪歸葬樞輔孫承宗題薦軍前贊畫常出塞相視紅螺山七日不火食從者皆無人色意氣自若承宗謝

事元儀亦罷歸崇禎戊辰進

奏言邊事及兵食富強大

計帝命待詔翰林尋又以人言罷已已承宗再出視師半夜出東便門東囊韃以從四城既復特授副總兵提轄遼海覺

華關島署大將軍印旋以兵譴下獄遣戍漳浦邊事急再請募死士勤王時相忌之不許早夜呼憤縱酒而卒 自負經奇

恃氣凌人詩文才氣蠡涌搖筆千言立就而志之所存在乎籌

進取論匡復畫地聚米決策制勝有

集

吳維魁字元甫號鳳麓烏程人萬歷癸未進士授德興令俗多以鼠葬自毒毒人嚴反坐法民風丕變調續溪擢刑部郎理刑淮安轉辰州守苗蠻錯壤威信安之

夏燠字汝翼號冲寰烏程人萬歷丙戌進士知冀州冀爲畿輔要衝頗難治燠至擒治豪猾興起教化金矢之罰悉市粟以備賑擢刑部主事歷郎中忤巨璫謫判貴陽黔撫郭子章聞燠至喜曰吾得夏君如得左右手矣卽委署郡守會皮林苗倡亂詔黔

湖州府志

卷三十一

人物 明

三

楚會師進勦燠言于子章曰皮林盤踞三省窟穴千里難以猝服而九股苗與皮林唇齒不通王化五十年今不解其羽翼破其腹心則楚軍外擊皮林必援九股爲內應黔師內截九股又藉皮林爲外援首尾牽制猝難成功請身入九股宣朝廷威德使之悔悟輸誠則皮林失援可一戰擒也乃單騎深入大言曰吾奉天子命來撫汝汝毋動召酋長曉喻之皆懷息願聽約束宿其帳中明日令爲鄉導廼歷九股諸寨諸苗露刃環侍燠曰朝廷待汝等不薄何爲助逆今天兵雲集皮林破在旦夕速悔罪歸正尚可保全首領酋長引牛祝天者再環繞前後三匝而牛不鳴遂宰牛搏鰐山呼天子萬歲願納土受約束誓不復反譯者云非使君誠感神明則牛一鳴而變作矣是役也不煩一

兵不折一矢平寨七十有四得戶二千四百有奇歲收糧四百餘石以萬歷三十年爲始皮林聞之始震懼燠潛約大軍扼其要大破之斬首八千餘級皮林平郭子章特疏于朝有往來虎穴崎嶇羊腸寬三苗萬死之誅決九股再生之路所當破格酌勞等語當軸者寢其奏僅賜白金文綺旋告歸泰昌初特起工部郎中卽委權稅蕪湖或謂蕪湖天下最饒處可爲子孫計燠笑曰使吾欲富待今日耶卒不就燠智深而更沉外和而內介于書無所不讀所爲詩清遠閒曠有輞川襄陽之遺云

字文寧號平涵烏程人萬歷己丑進士改翰林院庶吉士丁艱起補檢討歷祭酒告病家居湖俗通賦紳衿免徭役富民復事詭寄獨累貧丁倡均徭議衆大譁曰是難以口

舌爭因先自計田占役與編戶等衆相大服復移書巡撫極言賣富差貧之弊計畝定役役法少事貧民得蘇天啟元年起禮部右侍郎三年進東閣加禮部尚書文淵閣大學士歷武英殿東南大水疏請收折司農以倉無現糧不肯覆力言之改折三分時首揆葉向高次輔韓爌又次之魏闡亂政向高乞休爌亦被逐

孤立匝月屢疏乞骸骨賜馳驛歸崇禎改

元遣行人存問加太保卒年七十六贈太傅諡文肅予祭葬明末二十年間烏程三相國先後柄用沈文定灌于天啟辛酉進文淵閣溫文忠體仁于崇禎戊辰進武英殿歷首揆柄政最久三人居相距不過九里一時傳爲盛事立朝不數月當逆璫肆虐門戶水火之際獨能不阿璫不樹黨潔身引退歸田後

留心典故成

諸書國論鄉評皆推重焉

沈傲介字叔永號泰垣子木子萬歷己丑進士由工部主事歷官河南布政使以卓異入爲光祿卿旋晉右僉都御史巡撫雲南疏蠲貢金數千爲滇民永利值苗獠倡逆收復全滇蕩平黔蜀擢南兵部侍郎晉大司空爲魏忠賢黨石三畏所劾落職閑住崇禎初復官卒于家南都時謚襄敏

沈傲烜字肇生號節垣子來子以貢授華亭學博捐俸葺學宮課士之餘遇郡邑大事輒有建白甲申後歸隱杜門著述有司屢聘鄉飲大賓不赴卒年八十

吳世裕字伯順號冲陽歸安人性孝友敦本尚義于宗黨多所周恤萬歷戊申己酉間歲大祲郡守議開賑世裕先發已廩爲之

湖州府志

卷十一

人物 明

古

倡至築城墉建水柵拓宗祠修譜系繕祖塋掩骼埋胔脫人于厄恒殫力圖之以子時亮貴三封至大叅益謙謹壽至百歲監司守令造門撰屢欲一拜人瑞終不見

鄭明選字侯升號春寰歸安人萬曆己丑進士知安仁縣報最擢南刑科給事中時上養窳穆清宮殿兩不戒于火羣小競以錐刀媒進明選上書極諫曰躬郊廟復朝講釋猜疑尚寬平遠貨利絕玩好言言深中時弊曰本不靖朝鮮請救時朝議紛然明選謂不救匪義救之匪策第可佐之鬪而不可代之鬪陳救朝鮮之說五固中國之說五又條上六議備倭爲留都根本計時礦使四出海內騷然有言孝豐山中可採礦者將遣中使按視開採民人震駭明選具疏請罷孝豐礦役反覆數百言疏入不

報遂移疾歸結廬橫山之陽飲酒賦詩以終孫龍采天啟辛酉
舉人知婺川縣鼎革後歸隱于禪

嚴錫字冲涵歸安人萬歷戊子舉人任於潛教諭陞政和令居民
失火逼焚縣署公衣冠顙天願以身殉遂反風滅火調大興令
晉刑部員外恤刑河南平反不下千人致政歸潛心理學所著
有聖學劄記

沈如霖號春渠歸安人夢麟九世孫萬歷戊子舉人爲普寧令縣
設幾四十年草萊未能盡闢霖至清賦役保善良日進諸生教
之稅使擾民調劑得宜民受其惠祀廣東名宦

王謙字子鳴號春懷烏程人萬歷己丑進士廷對擬第一相國王
錫爵抑置二甲第二授祠祭司主事督驛館革商例千餘金同

湖州府志

卷二十一

人物

明

五

劉推服然陰忌之京察謫判曹州纂州志成遷常州判聘秦蘭
分校得士七人事竣而疾作至維陽驛卒

朱汝器號午臺烏程人萬歷己丑進士授中書典試山西清嚴公
慎遷南虞部關勲衛侵地出守建寧釋疑獄活數千人遷福建
副使丁艱補山西兵備改河南僉事歸年八十餘

陳履賢字子秀號松巒歸安人恪孫世爲清吏家故貧履賢爲閔
宗伯午塘愛壻因人太學四試不售決計歸隱勤儉起家富而
好禮嘗捐粟助官賑濟資給鄉隣宗族無算萬歷中以例授光
祿寺監事病篤呼其子夢麟囑曰虛盈滿傾物極則反積而能
散損有餘補不足天道也遂卒會葬千餘人

陳夢麟字孟仁號春野萬歷戊子舉南闈授南平令南平瘠壤加

意振刷却例金盈千勾稽侵漁吏胥凜凜奉法有好民倡白蓮教惑衆延建之間人將思亂夢麟拊循良善諄奸飭戎奸黨知有備不敢發事平有被誣者咸與昭雪勞瘁卒于官民德之祀之學宮夢麟承祖父之傳持身清介居心和厚待族黨姻戚曲盡恩禮其婚嫁喪葬倚之而辦者不可勝舉

陳嗣清字澄叔號澹菴夢麟子以廩貢選句容令邑素稱繁劇甫下車摘奸剔弊稍不便民者即除去或謂之曰公爲民則善矣爲官計恐未得也嗣清瞿然曰吾特恐爲民計未善耳苟便于民即于官計得矣遑問利害耶調閩之古田改江西都昌閩與都俗瘠民囂俱號難治嗣清以實心行實政有古循吏風歸家後敦宗睦族排難解紛人奉爲儀云

湖州府志

卷二十一

人物

明

六

朱尚賓字潛營長興人萬歷戊子舉人賦性高曠簡直不設城府事親孝訓子弟嚴鄉薦後十餘年謁選得靖江令不數月即稱病歸常扁舟泛畫溪春時遊川口二十里梅花歲以爲常詩文不事雕繪惟吐其所欲言

朱鳳翔字君采長興人萬歷己丑進士授中書舍人選監察御史時于忠肅公忠雖白而廢典未備鳳翔抗疏請于朝從之出按蘇松墨吏望風解去擒大猾置之法尋以事忤旨謫電白尉歸結廬蓮花莊白蘋紅蓼脩然自適晚以禮曹起用卒官

凌後嘉字元漢烏程人少孤事母至孝姪義渠幼喪母撫如己子嘗言張公百忍不如一忘人嘆爲名言以恩貢選太倉州佐轉揚州衛參軍年七十一

潘士達字去聞號完樸烏程人祖雲父秉純皆積學有德行士達少雋異三試冠軍十七舉于鄉萬歷壬辰成進士爲臨江府推官屢雪冤獄徵禮部主事陞員外郎乞歸養未幾任廣東學政晉江西右布政署藩印一塵不染所至以心迹雙清恭明勤慎顏其堂以應質行欲聞道省親次進賢卒李臨川不妄許人獨臨其喪大言曰坦行直道爲我輩所欽何先吾而去也江右祠名宦弟士達

潘士達字叔獻號青蓮天啟壬戌進士授行人使滇南會安岑苗變連部數十萬士達道經其地畫方畧往撫之曉以順逆利害苗皆感泣解散擢御史勅理七省漕務加意釐剔歲運悉復舊制各關皆碑記其績降調歸築室康山杜門著書再起大理寺

湖州府志

卷二十一

人物 明

七

副出爲江西參政時流賊蠡起司道俱以嚴疆裹足士達代署七印肆應周詳加左布政重鎮袁州統轄臨吉二府築城堡製炮械立營寨措置井井賊首邱仰寰擁衆萬餘蹂長沙請增撥撫標分道進剿仰寰雪夜就擒鎮袁一載江右倚爲堤城以疾乞歸甲申後匿影山中蕭然如寒素年七十七卒

字叔敷號何山萬歷辛卯與兄濬同試北闈演解元濬第三人壬辰同登進士演歷南工兵二部主事北工禮二部員外丁艱起補郎中歷福建參議江西副使山西福建陝西左右布政入爲順天府尹遷刑部左侍郎天啟中削籍崇禎改元起刑部右侍郎陞南刑部尚書予告歸卒年七十有三演歷官四十年所至治理其策流寇謂不在調兵而在集民不在寵其往而在